

**S** Nun diser gefertig planus abgestolen fertig ist/ als dan neu den wasser vnter  
 zu gleicher weys wie er dann hie foren auf sein abgestolen plano stet. Das zu machen sind  
 also. Nym die leng von einer seitten des würffels im forderen niedergedruckten grund/ vñ  
 setz die mitten mit zweyen puncten. x. y. auf die vnderen zwerchlini. f. g. deiner ystigen abgestolnen  
 stierung/ in den weitten von dem eck. f. so weit sie stet im forderen niedergedruckten grund/ von der seite  
 ten des gefertigten plano. e. f. Darnach zeuch zwo streymlini auß dem näherten aug in die zwen puncten  
 x. y. zwischen diese zwo lini muß der würffel mit seynrer vnderen stierung hinden auf disen planus  
 gestellt werden. Aber wie weyte hinder sich / das such also / So du in dem forderen niedergedruckten  
 grund ein ortstrich. e. g. reißt/ so wirt auch diser ortstrich eyn ortstrich im niedergedruckten grund des  
 würffels sein/ dann dise lini get durch seine zwey eck. j. a. vñ d. z. c. Nun so das ist/ so zeuch auch ein  
 ortlini. e. g. in deinem ystigem abgestolnem feld/ wo dan diese durchschneye die zwo streymlini. x. y. da  
 setz auß der lini. x. ein. a. vñ auß der lini. y. ein. c. Darnach zeuch zwo zwerchlini auß den puncten. a. c.  
 wo dann die zwerchlini. a. durchschneydet die streymlini. y. da setz ein. d. Aber wo die zwerchlini. c.  
 die streymlini. x. durchschneydet / da setz ein. b. also stet der gefertig planus vñ den an dem würffel mit  
 sein vier ecken rechte auf dem gefertigten abgestolnen plano. e. f. g. h. wie da foren in dem anderen.  
 Nun zeuch auß den vier ecken. a. b. c. d. vber sich vier aufrecht lini/ vñ die forderen zwo zeuch so  
 hoch vber sich als lang da ist die zwerchlini. b. c. vñ zeuch oben in vorgemelter höhe ein zwerchlini von  
 einer lini zu der andern/ vñ setz in die selben zwey eck ob dem. b. die ziffer. 2. vñ ob dem. c. die ziffer. 3.  
 Darnach zeuch zwo streymlinien auß dem nechern aug in die zwey eck. 2. 3. wo sie dan abschneiden  
 a. d. da setz ob dem. a. die ziffer. 1. vñ ob dem. d. setz. 4. vñ zeuch ein zwerchlini. l. 4. vñ. 2. 3. Also ist  
 diser würffel rechte gemacht/ wie in dem forzigen abgestolnen grund. Wie ich dann das hienach also  
 hab aufgerissen. Et ich weiter gehe.

